

欽定剿平三省邪匪方略

欽定剿平三省邪匪方略正編卷一百五十六

庚申年

三月初五日丁巳倭什布奏言查樊羅等股賊匪

合夥後被官兵在歇馬河截殺殲擒甚衆遂奪

路奔逃散作數起在北峯寺一帶出沒無定維

時續調總兵王凱官兵從東湖遠安邊界迎來

尙未見到當令總兵孫清元帶兵抄入南漳馬

良坪等處遏截臣仍酌帶官兵由北面顧住南

漳入襄陽之路趕緊攔進二十一二十二等日
山中雨雪交作兩路皆遇賊探立加迎剿殲斃
四十餘人擒得楚人傑股內偽元帥王發春一
名供稱該匪等遁入南漳南山內分股行走思
欲牽住官兵以便從東界竄入遠安希圖東竄
當陽等處大道滋擾等語當卽檄飭臣思南漳
地境遼濶南面深山老林與興山東湖遠安各

邊界相接本無路徑賊既逃匿至此東面攔截
尤爲要著當飛飭孫清元起至迤東遠安要隘

堵擊

臣

卽由辛家坪自北向南直壓二十三日

賊人前隊突至白虎嶺地方該鎮卽帶兵分布
三路另率一隊迎剿奮力搶上山梁該匪抵拒
兇悍鎗石並下叅將全祿都司姜元祥毛秉剛
守備王占鰲吳純俊尤爲勇銳各射賊數人叅

將海麟都司孫應奉守備金洪嗣叅將曹星遊
擊胥泗起都司周言昇各帶兵勇從東西兜進
山後抄上叅將吉林泰守備張霞舉韓瑛吶喊
直下將賊圍剿殲殺甚多該匪站立不住分投
竄逸官兵益加出力把總王殿鰲外委張代鳳
衝入賊隊往來截殺殲賊數名並各戮斃騎馬
賊一人衆匪大半滾巖而下乘勢追殺三十餘

里至壯兒溝亂石巉巖敗賊及騾馬跌死尤衆
是日共殺賊五百餘名生擒九十五名除訊係
被脅良民釋放外內有副頭目向兆華一犯係
線號向大成之姪與正賊周逢春等四十三名
皆素與官兵接仗之賊當卽分別正法凌遲隨
探得壯兒溝羊腸一線仍通遠安苟家壩隘口
孫清元卽於二十四日帶兵翻越山林抄入遠

安羅漢游地方攔剿該匪遂不敢東奔因分竄賊人於二十五日亦抵白虎嶺卽折回會合思欲併力仍向北竄適

臣

率領副將樊雄楚叅將

烏爾卿額等由罐子壩趕到分兩路兜殺斃賊六十餘人奪獲器械三十餘件賊始退向南面荷花店遁逃山徑逼仄擒獲落後之賊三十餘人騾馬二十餘頭匹察看情形極爲慌急且此

帶層山疊嶺本無村落間有居民早已飭令

搬糧上寨該匪更難屯擾荷花店迤東係東湖

所屬王凱自己率兵趕攔臣與孫清元由東北

分投斜壓有此三路兜剿賊匪勢必竄入興山

邊界折回川境現在痛剿得力聲勢極壯總當

鼓勵兵勇乘勝直前卽於楚境將賊衆全數掃

蕩再臣於二十三日接據竹谿西面河卡守備

王有黑山頂卡守備吳謙稟稱前竄至平利老
鴉絆一股賊匪亦無官兵跟剿難以夾擊該匪
逐日在各卡外衝撲皆經鎗礮擊退十四日突
從漆扒老林抄至黑山頂下又分一股攻西面
河卡經兵勇兩處迎敵殺斃多名賊遂趁勢竄
至豐溪等處約有千餘人不知頭目名姓晝匿
深林夜則覓路漸向東趨等語臣現已帶兵赴

東路截剿大股賊匪正在喫緊且相距一千四
百餘里勢難並顧當卽飛飭留防房縣北路之
遊擊蔣攀龍守備羅陞等帶領兵勇八百餘名
由獅子巖等處迎至二竹前次賊人竄來之路
探蹤過擊復於臣營抽派守備方發瓏等帶領
兵勇五百名趕赴協助又高杞接奉

諭旨趕募鄉勇三千名已飭襄陽鄖陽兩府分半雇

募

臣

以鄖陽所募一千五百名內責令知府王

正常酌量帶領就近會同蔣攀龍相機截剿並

令襄陽所募之光化均州各百名派員由鄖縣

境內直至房屬分布住紮堵賊北竄要路現探

得此股係零星殘匪行蹤畏怯尙在竹谿下三

壩山內有此兵勇攔擊斷不致向東北深入楚

境

臣

一俟將樊羅等逆剿辦完竣卽統勝兵出

東而西自無難立時撲滅奏入

上命軍機大臣傳諭松筠倭什布曰前據倭什布兩次奏報之摺均稱將賊匪痛加殲戮敗竄保康興山一帶勢已窮蹙爲數自屬無幾乃本日摺內在白虎觀殺賊五百餘名生擒九十五名又於罐子壩斃賊六十餘人荷花店擒獲落後之賊三十餘人共計殲擒七百餘名若果殺賊如此之多則賊

匪已應殲盡何以尙有竄入東湖興山之賊若非
前次將所剩賊匪以多報少卽係此次將所殲賊
匪以少報多二者必居一於此總有不實之處倭
什布自係因朕加恩仍用爲巡撫將此次殺賊之
數裝點多報以見其奮勉出力仍蹈從前虛誣惡
習且摺內稱賊退向荷花店逃遁該處迤東係東
湖所屬王凱自己率兵趕攔又稱賊匪勢必竄入

興山邊界折回川境明係倭什布預爲地步若賊
匪向東奔竄王凱不行堵截伊卽可談咎該鎮如
賊匪奔逸入川伊亦可以驅出楚境了事更屬非
是倭什布著傳旨申飭此股賊匪責成倭什布卽
在本境悉數殲除不准任其折回川境若再有遲
延或令賊匪他竄必將倭什布從重治罪又據奏
平利老鴉絆一股賊匪突從漆扒老林抄至黑山

頂下又分一股攻西面河卡此自係楚界防堵不
嚴所致湖北竹山竹谿地方屢任賊匪往來今復
有竄入之賊究係何股賊匪倭什布現在東路雖
相去一千四百餘里但該撫本由竹谿一帶而來
何以並不預爲佈置嚴防竄匪亦屬咎無可辭此
時倭什布若能將東路之賊迅速殲除帶兵星赴
竹谿剿辦固屬善舉否則與明亮商酌伊二人內

分一人前往竹谿一人在保康與山認真截剿庶
不致顧此遺彼總之朕恩不可屢邀倭什布若再
有疎虞朕必執法嚴懲斷難保全矣慎勉爲之至
總兵王凱早經檄調何以此時尙未趕到亦覺畧
緩况從未聞該鎮在何處遇賊打仗必有耽延著
松筠倭什布查明王凱有無逗遛延玩情事據實
具奏

初六日

戊午

勒保奏言

臣

於途次連奉

上諭以川西軍務情形著重飭令迅速赴川催辦省

兵丁會同德楞泰施緝上緊剿辦等因

臣

遵

卽兼程前進二十四日亥刻馳抵鳳縣據署令

何其英面稟前竄沔縣毛壩場賊匪於本日竄

出陳倉溝賊分前後兩隊分割留壩之榆林舖

南星司馬橋等處有探馬十餘人已抵鳳縣廢

邱關現在大路山溝俱有賊匪散竄以致文報
不通等語

臣

查詢此股賊匪係楊開甲與高均

德張漢潮之餘黨合夥奔竄前後兩隊約四五
十人本月十五日由兩當搗鼓石至鳳縣三道
河先有賊探至大路廢邱關殺死三岔驛馬夫
一名聞鳳縣有官兵駐劄未敢竄出仍由鐵爐
川黑河一帶折竄嗣緣解川頭起浙餉十八萬

兩於十三日自鳳縣起程係副將永明帶兵六百餘名護送前進二起浙餉四十餘萬兩於二十二日經鎮臣長春帶兵六百名護送又京餉四十萬兩於二十三日經鎮臣索費英阿帶兵一千五百餘名護送均由鳳縣送至南星二十四日早間末起京餉甫由南星起身該匪等探知鳳縣已無官兵是日午後卽乘間竄出南星

直向鳳縣大道奔逸各起餉鞘幸保無虞決念
鳳縣爲棧道門戶現在僅有存城兵丁二百餘
名不敷堵剿當卽飭令署縣何其英添撥壯勇
星夜赴鳳嶺扼要堵禦該匪等不能北竄二十
五六兩日仍在大路屯劄直至二十六日傍晚
前起賊匪向三岔東溝竄至留壩之蒿壩河文
報繞路遞送行旅均未通行

臣

又未帶一兵一

將難以進剿而在此守候三日焦急如焚聞此
股賊匪係吉蘭泰追剿現在該提督於賊匪未
竄大路之前一日由鳳縣之西溝往兩當而去
似未得賊匪實在蹤跡臣不敢拘泥一面報明
經畧叅贊一面卽飛咨吉蘭泰速由黑河出陳
倉溝跟蹤追剿庶大路可冀早通又恐賊竄東
溝其自鳳縣至寶雞溝內處處有路可通是以

飛札鳳邠道王文湧卽在寶雞口實力堵禦以

遏其東竄之路

臣

現在確探賊蹤俟大路一通

卽當迅速前進至川省賊情探得本月十二三

日內該匪等在劍州所屬之白巖寨滋擾十六

日二更猝至武連驛焚燒又有一股賊匪竄近

大寧寺該二處係文報往來大路均被梗塞而

南部西充鹽亭各境內尚有餘匪肆擾襲脅日

多勢甚猖獗幸德楞泰之兵已於十八日行過
廣元正可迎頭痛剿第恐該匪等一經德楞泰
擊散又復分股四竄肆其牽綴官兵伎倆

臣

此

去正須帶兵分投截擊先經呈請額勒登保籌
撥兵將以資帶領剿賊尙未接到覆音聞王文
雄現在沔縣一帶索費英阿長春已護餉遄行
臣
俟抵前途與伊等面商如能於所帶兵內除

酌留防堵棧道外或可抽撥一二千名先帶赴

川亦足以壯聲勢至

臣

到川後專領一路官兵

剿賊必須有帶兵得力大員查穆克登阿久患

眼疾百祥經魁倫派赴龍安堵禦七十五如傷

發屬實則祇賴自黔新來之總兵施縉一人未

免不敷辦理且該鎮由瀘州一路而來一時不

能繞赴川北查有中衛協副將馬兆瑞現經那

彥成派在鳳縣查收病兵

臣

素知該副將人尙

勇往擬卽帶赴四川調遣奏入

上命軍機大臣傳諭恒瑞台布勒保曰鳳縣大道爲
北棧門戶最關緊要賊匪楊開甲與高均德張漢
潮餘黨合夥探知鳳縣並無官兵防守乘間竄出
南星直向鳳縣地方奔逸現在川省餉銀陸續解
往俱由該處經過各處文報往來亦須繞道遞送

不能過行台布係本省巡撫籌辦剿賊事務何以
於棧道緊要之地毫無佈置不能一律疏通且亦
未將此股竄匪奏及豈尙懵然不知台布著傳旨
申飭前已降旨令恒瑞帶兵三千名星速回陝幫
同台布剿辦各股賊匪恒瑞務當與台布督率兵
勇先將竄入鳳縣一帶之賊上緊截剿盡數殲除
以期棧道疏通俾餉項文報均無貽誤不可遲延

千咎勒保因陝省棧道阻塞催調兵勇設法疏通
所辦尙是惟川西賊匪情形較爲著重勒保惟當
探聽賊蹤俟大路一通仍遵照前旨趕緊馳赴川
西會同魁倫德楞泰等催集黔土各兵剿辦過江
之賊勒保一入川境邊界卽將賊匪大概情形先
行迅速馳奏其奏請將副將馬兆瑞帶赴川西調
遣一節著照所請行至勒保欲於王文雄索費英

阿長春等所帶兵丁誘抽撥一二千名先帶赴川
剿賊恐伊二人所帶之兵未能抽撥一二千名之
多勒保惟應安酌而行再闢入鳳縣一股賊匪正
係吉蘭泰帶兵追剿前因吉蘭泰在白水江上游
不能認真防堵任賊由虞關搶渡過江已降旨革
去提督降爲遊擊銜在軍營効力此次又任餘匪
逼近棧道旣不能預先防範又不能躡蹤追擊以

致賊匪將棧道梗阻其罪實不可追著勒保詳晰查明將吉蘭泰嚴叅治罪

同日長麟奏言據甘省文武先後報稱連日官兵在岷州所屬之申都里遇賊接仗殺賊二百餘名生擒一百二十餘名內有僞元帥楊姓一名因受傷較重取供後卽凌遲處死又據報額勒登保派綸布春岱森保等於二月十八日在

臨江舖追及賊匪隨卽分兵兩路進剿殺賊六
七百名生擒男婦三百三十一名是晚探得後
路岩昌地方亦有賊匪竄至綸布春岱森休等
復卽帶兵前往迎剿賊匪潰竄沿途殺賊數十
名生擒數十名內有總探馬頭梁正剛一名訊
明原籍襄陽係教匪頭目當卽凌遲處死又據
西固州同李世青護理都司蔣玉林稟稱二月

初九日賊匪約有五千餘人直逼西固城下該
員等督率鄉勇壯役施放鎗礮擊斃賊匪五十
餘名馬六匹賊匪竄退各等情現在賊匪有向
西和一帶往南奔竄者有尙在岷州游奕者現
經額勒登保那彥成等分投剿捕又有賊匪一
股由岷州往北奔竄二月十六日已抵該州所
屬之遮羊舖經藩司廣厚帶兵往擊

臣

恐此股

賊匪或由岔路分竄北來卽與蘭州鞏昌較近

臣

又將從前楊揆所帶兵丁一千三百餘名撥

分廣厚分途堵禦務使賊匪不能北竄庶西北

一帶完善地方不致又遭蹂躪

臣

一面相機辦

理一面督率地方各員催辦軍火糧餉源源接

濟再恒瑞因聞陝省餘匪未淨已於二月二十

二日帶兵自岷州起程由秦州汧隴一帶前赴

商雒等處堵剿又接據臬司姜開陽稟稱該司
接奉

諭旨令將甘省所調之兵酌量減撤該司卽議請將
調任藩司楊揆所帶兵四千名酌留一千餘名
交慶成率領其餘兵二千餘名應卽撤回歸伍
等因查此項兵丁現經慶成率領二千餘名隨
同將軍恒瑞於本月十七日在岷州之中都里

遇賊打仗後慶成又帶赴弔溝一帶搜山尙屬
得力且正當剿捕喫緊之時一時不能減撤其
餘兵丁一千三百餘名因廣厚帶兵由岷州屬
之遮羊舖一帶前進後路空虛將此項兵丁派
在漳縣屬鹽井地方防守以資接應兼爲西北
一帶屏障此時若經議撤恐賊匪乘虛北竄卽
與蘭州省城相近況甘省之賊全行剿滅後凡

路通川陝各要隘尙需設兵堵禦亦不能遽行
裁撤該司不知詳細業經行知遵照辦理

長麟又奏言查現在大兵追剿賊匪不能迅速
蕝事者其病在前無阻攔賊匪得以任意奔逃
官兵不易遇賊但能遇賊無不殄滅多人是非
征兵之不足實各處防兵甚少不能堵禦所致

臣
與司道等悉心商酌如雨當縣之太渠鎮楊

家店徽縣之虞關大河店階州東界之陽平關
及秦州等六處均係甘省邊界要隘爲賊匪往
來竄逸之路此次務須盡心籌畫實力堵禦俾
賊匪不能復竄來甘方爲妥善查甘省除現在
已調征兵外實再無兵可調勢不能不量爲招
募藉堵禦以利戎行但若將現有鄉勇招募爲
兵查現在鄉勇每名每月支領口食銀自二兩

四錢至三兩不等若兵丁每月錢糧步戰均不
過一兩有奇是鄉勇之口食較多兵丁之錢糧
較少各鄉勇已不肯舍多就少受募爲兵且各
鄉勇均係各省招集雇募之人旣不肯遠棄家
鄉前赴各處久住防守卽肯前往各鄉勇並非
秦階等處土著路徑旣屬生疎又無產業可護
亦未必能認真出力是兵雖添而仍於剿捕無

益臣愚昧之見仍不若卽於秦州等處難民中

擇其精壯可用者募爲兵丁各就本地要隘操
練防守再派技藝精熟之舊兵分赴各處逐日
教演一面防堵一面操練不數日而新兵咸成
勁旅且挑難民爲兵按日支領錢糧較之僅辦
撫卹更沾實惠且撫卹定例家有數口者均須
按名撫卹若於此數口中挑一丁爲兵其餘數

口皆可藉資養贍是卽以糧代賑更可節省錢

糧

臣

擬於陽平關虞關大河店太渠鎮楊家店

及秦州等六處每處各添新兵二千名各添舊

兵一千名教演若遽給予馬糧動帑未免較多

應請將新挑兵丁一律給予戰糧計每名每月

支銀一兩五錢新挑兵一萬二千名每月共需

銀一萬八千兩卽防守一年亦不過需銀二十

一萬兩查上次甘省被賊蹂躪辦理撫卹用銀
不下四十餘萬而每次官兵來甘追剿均須用
銀數十萬及百餘萬不等若如此辦理所省實
多將來賊匪剿滅無須多兵防禦之時各新兵
俱係土著良民只須酌量賞給一月錢糧令其
散伍歸農各復本業新兵等自必傾心樂從是
難民並無失所而營制亦未增額於官民更爲

兩便臣擬將甘省辦理妥協併將陝省一律照

辦陝甘均能堵禦將賊匪逼歸一省會合兵力

全赴一省剿捕自可迅速肅清奏入

上命軍機大臣傳諭長麟曰甘省各路軍營剿賊情形業經額勒登保等具奏現在長麟恐岷州游奕賊匪由岔路向北分竄卽將楊揆所帶兵丁撥交廣厚分途堵禦所辦亦是該督仍當隨時相機妥

辦並督率地方各員催辦軍火糧餉務俾源源接濟無誤軍行至所奏甘省前調各兵未便議裁一節前次傳諭姜開陽原令其於甘省賊匪全行剿盡之後酌量辦理並非現在卽令裁撤今此項兵丁已分交慶成廣厚帶領剿賊正資其力自不應率行議裁又據奏招募鄉勇充當兵丁一節陝省失業難民爲數甚多今長麟選擇其精壯者令其

入伍食糧既得藉此贍養家口且可省撫卹之費
此亦以糧代賑之一法事屬可行著照長麟所議
辦理但此項新募之兵務當實心訓練以收實效
不可徒托空言有名無實也

同日姜晟奏言臣於二月二十八日馳抵湖北

襄陽探聞竹谿境內有一股賊匪爲數無多自

陝境亢喜坡闖入臣查倭什布孫清元均在遠

安南漳一帶分投堵剿而竹谿竹山等處不免
空虛將軍弘豐現在帶兵等候一俟明亮到來
便當交令帶往剿辦松筠如由陸路徑赴竹谿
或順流由襄前進並可與明亮會商辦理至
於途次遵

旨派調湖南官兵一千名昨據通恩知會已於二十
日令副將滿倉帶領起行陸續前來察看情形

似未便遽飭停止現已飛咨詢商倭什布一面
俟明亮松筠到時面爲籌酌如明亮等尙不到
襄擬卽先赴軍營與倭什布面晤順往竹山一
帶查閱奏入

上命軍機大臣傳諭三
戢曰倭什布孫清元均在遠
安南漳一帶松筠明亮俱未到楚竹谿竹山等處
不免空虛著於到襄後卽擬先赴軍營與倭什

布面商事宜並順往竹山一帶查閱所辦亦好此
時松筠已由漢中起程明亮已由西安起程不日
到楚即可會同倭什布相機剿辦所有糧餉軍火
姜晟自當妥爲運送無誤要需至所調湖南兵一
千名旣經副將滿倉帶領起行卽令其幫同剿賊
亦足以壯聲威且此項兵丁爲數亦尙不多卽賊
匪辦竣後留於該省以防邊境亦不至過於糜費

也

同日廣厚奏言臣途次接據探報一股賊匪由

西固竄出擾及岷州之本諸寺札祿里一帶有

直趨狄道渭源之勢查狄道渭源均係蘭州所

屬附近州縣未經被賊之區關係甚重自宜加

意保護惟各該處邊界遼濶路徑紛歧臣所帶

之兵不敷分佈防守再四思維惟有迎頭截擊

以剿爲堵庶可不致蔓延隨一面督催官兵越
沒遮攔嶺及十八盤山星夜繞赴賊匪前路一
面令遊擊陳五輯帶領馬隊百人前往哨探行
抵大草灘正遇騎馬賊二三百人由酒店子蜂
擁而來陳五輯卽率領把總關殿魁外委張貴
伏柴如栢等奮力衝殺賊匪恃其人衆直前撲
拒陳五輯等鎗箭齊施斃賊九人賊匪折回奔

跑又被我兵殺死十六人我兵惟馬兵王世斌
衝入賊隊身受矛傷二處賊匪大夥遂爬越酒
店子山梁向東南竄逸臣帶兵趕到立即躡蹤
緊追賊匪捨命窮奔竄往漳縣之四族川一帶
我兵步行追趕至田家灣地方計程已百餘里
時已深夜飭令各兵畧爲歇息仍卽趕緊跟剿
務期乘機痛殲悉數殄除奏入

上命軍機大臣傳諭廣厚曰賊匪擾及岷州有直趨
狄道渭源之勢廣厚督率兵勇在酒店子一帶奮
力衝殺賊匪向東南奔逸廣厚緊躡賊蹤帶兵追
剿所有西北完善地方俱未被賊蹂躪所辦甚好
廣厚前此率行咨調阿拉善兵七百名帶赴鞏昌
一帶剿賊並未先行具奏實不免失之冒昧今若
能將各股竄匪悉力堵剿並隨同額勒登保那彥

成等將甘省之賊上緊剿淨全數肅清廣厚卽在
甘省邊界妥爲防守以便額勒登保那彥成帶領
勝兵入川剿賊俟大功告竣時仍可仰邀恩賞勉
之

初七日巳未廣興奏言臣欽奉

諭旨以川省添調多兵餉項自應寬爲預備查前准
魁倫札調餉銀臣當卽撥給順慶十萬兩重慶

五萬兩以備供支因省城旬報當有軍需銀六
十萬兩彼時路途梗塞恐有疎虞札知署藩司
先福撥銀二十萬兩及早存貯以實軍儲續接
該藩司來稟止存穀價銀十九萬有零因何與
旬報不符上一面札查一面囑令卽於此項內
儘數動撥先備軍需之用並恐魁倫所統大兵
需餉較繁又續撥銀三萬兩解赴大營以備散

給旋據隨營總理道員劉清稟稱大營兵餉已
經充裕無須續撥聲明已將來餉交與順慶府
存貯並經魁倫將兩浙京餉內共撥銀五十七
萬有零行令不論何項入川卽由廣元就近先
行解赴省城歸入軍需之用臣亦屢次咨催定
住及臥甘督撫嚴飭地方官及兩浙解員速行
解送來川今奉

旨令再撥銀接濟臣再四酌商屢次蒙

恩預撥餉銀原屬寬裕無如疊經陝甘截留一百五十五萬現在續撥未來餉銀除指定解赴成都保寧兩局外實應解達軍需共止有三十萬現在川東川北防兵鄉勇雖經嚴裁浮費再三撙節每月亦均需銀十數萬斷不能再爲節省設或大兵追賊回川現在達局存銀二十五萬京

浙兩餉均無入川的信亦不能不爲籌備然當此軍需萬緊之時臣不敢稍事拘泥僅再撥餉

銀五萬兩連前次由達局續撥留於順慶之三萬兩共銀八萬兩卽日派委知縣沈遠標小心押赴成都交與藩司存貯以備大營支用奏入上命軍機大臣傳諭托津曰廣興因魁倫所統大兵需餉較緊兩次撥給銀八萬兩解交成都以備軍

營支用並據道員劉清稟稱大營兵餉充裕無須
再行續撥覽奏稍慰昨已降旨令伯麟將山西存
貯之餉分撥五十萬兩解川又據勒保奏前撥川
省之兩浙等處餉銀已由鳳縣一帶前進即可陸
續到川是現在川省餉項極爲寬裕托津當率同
廣興樽節辦理不可因帑項寬餘致滋浮濫亦不
得過爲苛刻於應領之項不行給發致誤要需

初九日辛酉魁倫奏言臣連日探聞賊匪自元山

場向西稍移分股在葫蘆溪豐谷井潼河以北
附近四五十里內焚燒又分一股在梓潼赴彭
明一路白家壩地方滋擾并分小股於左近一
帶焚燒察看賊情似已探聞德楞泰官兵入川
之信恐被遏截由龍安竄甘路徑不能與甘省
逆匪會合是以自東漸西爲北竄入甘西竄入

省之計分路游奕牽綴官兵意在搶渡潼河查

彰明江油兩縣爲潼河上游該處地高灘淺處

處易於躡渡雖先經

臣

派令遊擊張超帶領兵

勇七百餘名於彰明江油適中之中壩場防守

尙恐兵力不敷復派副將張良槐帶兵七百餘

名前往協同防堵旋接張超稟報二十二日有

賊匪在江油縣屬之八角廟兩河口等處焚掠

是夜潛赴苦竹溪灘口搶渡一夜三次經該遊擊督率兵勇擊斃賊匪數名當卽退去二十三日該匪等又於馬家沱等處搶渡經張超及該縣巡檢李坤率同兵勇施放鎗礮並拋擲石塊該匪等不能抵敵始向燕門壩一帶遁去並據稟稱此數次搶渡之賊看來不過二三百人現雖擊退恐大股前來淺灘甚多兵力稍單稟請

添兵臣酌量於前派駐守梓潼之兵勇內抽撥

二千各令副將托雲泰帶往協防現在該處上

下共有兵勇二千五百餘名可資防堵而金山

驛以下至潼川射洪遂寧一帶處處皆有淺灘

其潼川以下此時離賊較遠設卡集團尙堪防

守潼川以上劉家營葫蘆溪豐谷井等處賊匪

現在附近焚燒在在緊要臣已先撥兵勇二千

餘名分駐三處上下梭巡但自二十一二日以後賊匪連次撲河均經該官弁兵勇奮力擊退金山驛附近地方河岸迤北亦有賊匪前來窺

伺經

臣

派撥官兵堵擊退回連日除擊斃數十

名外所獲賊探二十餘名均卽訊明正法查自金山以北魏城梓潼至武連驛一帶大路仍復時通時梗隨接德楞泰二十二日武連驛所發

來信二十三日德楞泰卽由武連向西取道重
華堰向江油彰明前進二十六日據差探回稱
德楞泰官兵於二十四五等日在江油所屬之
烏龍觀新店子等處連獲兩次勝仗殲擒賊匪
甚多等語臣查賊匪被德楞泰擊敗勢必四散
奔竄臣急欲前往合擊因兵勇分派堵防外所
存無多且當此防河緊要之時實不能分身前

往查總兵李紹祖所帶七十五官兵臣前令其

由鹽亭南部一帶自東向西進剿昨接該鎮來

稟已抵西充臣因未得德楞泰入川信息恐其

由東向西轉將賊匪逼入龍安竄甘之路飛札

令其由鹽亭赴潼川沿河行走馳赴江油繞出

賊前截其西竄本日李紹祖已抵金山驛臣卽

令其馳往江油與德楞泰之兵合力迎擊至所

調黔省官兵據地方官稟報第四起已入川境
計三月初旬可以到齊自應欽遵

諭旨統交施縉帶領

臣

業經照會該鎮令其取道由

潼川一路進兵以便截擊賊匪茲於二十六日

復奉

諭令阿哈保與施縉分帶黔兵協力剿賊當卽令
阿哈保帶領馬隊官兵三百餘員名前往潼川

三才圖會卷之三
三
候施綰到時會合剿捕查賊匪現在不能西竄
勢必仍回鹽亭南部一帶南有潼河北有嘉陵
江我兵可期得手剿辦奏入

上命軍機大臣傳諭魁倫曰賊匪自元山場等處回
西竄因聞德楞泰帶兵入川之信恐被遏截
欲圖經綏官兵搶渡潼河魁倫分派官兵在彰明
江油一帶及潼川上下分駐防堵其搶渡之賊雖

俱經兵勇擊退仍當飭令各弁員時刻留心嚴密
堵禦不可稍涉大意至所稱差探德楞泰於二十
四五等日在江油所屬之烏龍觀新店子等處連
獲兩次勝仗殲擒賊匪甚多覽奏深爲欣慰德楞
泰一到川境卽獲勝仗事機實爲順利至魁倫現
在潼川防守當此賊匪分股奔竄之時尤爲緊要
惟當以督率嚴防爲重何須前往江油會合德楞

秦剿辦耶此時李紹祖所帶七十五一路官兵已抵金山驛前調黔省官兵日內亦可齊到而賊匪南阻潼河北阻嘉陵江實爲自投絕地前旨早經諭及決勝之機全在此舉魁倫務須倍加愧奮相機堵剿以稍贖前愆也

同日台布奏言查陝省賊匪漢江以南有苟文明鮮大川龍紹周唐大信各股漢江以北有楊

開甲辛聰魏姓等股南山以內有五家營一股
時分時合就地勢情形而論西南褒城沔縣寧
羌入川要路糧餉文報所必經又與甘省連界
川匪節次往甘俱由此路行走棧道之留壩鳳
縣與甘省連界南通漢中北通西安同州鳳翔
從前張漢潮李樹等逆均由該處竄出平利擾
至盤屋等縣爲賊匪熟經之路南山內向陽則

通湖北商州則通河南皆賊匪久思竄往之地
而官兵段落漢江以南有額勒亨額柯藩慶溥
溫承惠分駐防剿漢江以北有王文雄索費英
阿長春分駐防剿南山內有劉之仁愛星阿帶
兵追擊通盤籌畫兵力地勢賊情均須相機調
度兵力不敷惟有設法鼓勵地勢紛錯惟有扼
要攔阻賊情狡詐惟有出奇痛擊現在苟鮮等

股經慶溥溫承惠柯藩等夾擊回至川境之羊
耳壩難保其不又折回所有平利紫陽安康等
縣責成額勒亨額慶溥溫承惠探蹤堵剿漢江
以北王文雄現駐褒沔一帶索費英阿長春在
留壩鳳縣一帶俱往來照料川餉據道員文需
稟報楊開甲辛聰一股於二十六日竄過棧道
闖入東溝勢已東趨設與五家營會合辦理更

爲棘手

臣

查南山內劉之仁愛星阿所帶兵力

本不甚厚昨雖札調札勒杭阿前往究屬稍單
倘再添楊辛等逆該鎮斷不能兼顧岱森保又
尙無來信必須另行添派查提督吉蘭泰本係
經畧奏派剿辦楊辛等逆今賊匪旣已入山應
令該提督跟蹤追剿此時東面較前更爲緊要
酌派柯藩帶兵前赴劉之仁一路幫同剿辦

顧楚豫門戶其峪外平地祇有總兵觀祥一人
帶兵不滿千數已飛飭索費英阿前赴峪外與
觀祥合營固住完善之區長春所護末起川餉
二十九日卽可出棧俟其交替後卽令仍由棧
道防堵此外自石泉洋縣城固以至漢中數百
里內無將無兵臣一面籌辦糧餉一面團練鄉
勇以壯聲勢而鎮人心探明何處緊要卽帶往

欽定四庫全書

卷一百一十五

何處策應再臣行抵漢中關糧領餉紛紛告至

計算米糧不敷分食稍有缺乏所關非細局中

本存千數銀兩盡發無餘省局所撥之二十萬

兩棧道時阻時通未能剋期而至隨於漢中鋪

戶借銀五千交知府趙洵親往各縣趕緊通融

採買先將口糧分給據王文雄知會楊開甲辛

聰等逆已自茅壩火燒關竄回鐵爐川由西溝

卽出留壩由大石川卽往鳳縣勢俱萬緊臣竊

計大局此時完善之區斷不可稍有疎失南山

蹂躪多番無可顧惜總之固住豫楚不至以鄰

爲壑方無流弊劉之仁老成持重熟諳機宜日

前打仗追賊至羅家河見賊匪蟻聚蜂屯卽行

掣上山梁扼要紮住官兵祇及賊衆十分之二

終能振旅而還臣與劉之仁素未相知因此一

節實覺可恃將來岱森保到後驟添勁旅愈有
商量縱使川匪稍有稽誅圖於山內以堵爲剿
亦無他虞王文雄雖已病愈現防棧道額勒亨
額馬隊山內未能施展均未可調動至定住護
解京餉四十萬兩赴川於二月二十九日行抵
褒城縣臣查漢中軍需局已無存貯銀兩所有
解川浙餉四十餘萬已於二十九日全行出棧

是川省暫時不致支絀隨與定住面商暫留餉
銀二十萬兩以供支發陝省二月分各營鹽菜
俟前次松筠奏請撥解漢中餉銀二十萬兩到
日卽行揀派妥員補解川省歸欸一轉移間而
兩省均無缺乏似於公事有益其餘川餉二十
萬兩定住卽於次日護解前進奏人

上命軍機大臣傳諭台布曰陝境漢江南北有鮮大

川苟文明楊開甲辛聰等股分竄滋擾而鳳寶一帶亦有賊匪奔竄棧道梗阻目前陝省賊勢鴟張較甘省自爲着重不知台布所防何處所堵何賊耶前因陝省領兵乏人降旨令恒瑞帶兵來陝幫同台布剿辦旋據額勒登保奏稱先已派令恒瑞帶兵數千名赴陝此時恒瑞諒已抵陝台布惟當確探恒瑞信息一俟其到陝後卽當會同籌辦先

將棧內賊匪悉數殲除廓清道路爲要現又降旨
令額勒登保那彥成察看甘省賊情如已剿敗窮
蹙那彥成卽分兵來陝台布當於恒瑞到後酌量
情形如兵力足敷剿辦賊匪易殲卽可不必催令
那彥成帶兵前來倘尙覺兵少賊多卽一面知會
那彥成遵旨迅速赴陝庶可尅期蒞事至所請截
留川餉二十萬兩一節從前陝省屢將解川餉銀

截留甘省不顧川省軍需緊急已經降旨飭諭昨
因陝省軍需緊要將由京解往山西藩庫銀兩撥
給五十萬兩交台布收用今台布復將解川餉銀
截留二十萬殊屬非是又存以鄰爲壑不顧緩急
之鄙見川省新添多兵望餉甚急豈可任意截留
今既經截留卽著台布撙節支用仍著將松筠奏
撥漢中餉銀二十萬兩於解到日卽行補解川省

歸欵嗣後陝省軍需應用之項不得擅將他省撥解餉銀輒行截住如軍餉實在不敷不妨據實奏請候朕另行撥給也

上又命軍機大臣傳諭額勒登保那彥成曰賊匪擾入川西實由額勒登保冒昧赴甘以致賊匪乘虛搶渡至陝省之賊本係那彥成在彼剿辦乃未能及早剿竣又因甘省有川匪竄入移兵前往而德

楞泰復因川西賊情緊急遵旨前往剿辦並經額勒登保催令迅速赴川將陝省防堵事宜委之無能之吉蘭泰既任賊匪由虞關搶渡分擾甘境復致餘匪逼近棧道吉蘭泰又不跟蹤追剿致闖入鳳縣此時甘省賊匪屢經官兵合力痛剿賊勢已蹙其陝省剿辦賊匪雖有恒瑞帶兵前往究恐未能得力著額勒登保那彥成詳細商酌如甘省剿

辦之賊較陝省爲多必須伊二人在彼剿辦自應
併力合擊迅速剿淨一同帶兵赴陝若甘省之賊
已漸剿敗無須伊二人一同在彼那彥成本係特
派督辦陝省之賊竟當酌帶官兵卽赴陝省將各
股竄匪上緊剿辦其應分應合總在額勒登保那
彥成熟籌妥辦不致顧此失彼爲要至吉蘭泰防
堵賊匪種種疎玩貽誤仍著額勒登保詳悉查明

據實叅奏

同日四川提督七十五奏言臣欽奉

諭旨七十五係提督大員自帶兵以來從未有一次

專摺陳奏等因竊臣於上年十二月初十七二

十三等日自大寧追剿張子聰等逆至貓兒寨

花菓園馬鞍山郎家祠雙山子紫水壩等處節

次與敵接仗剿敗後旋接額勒登保行知川東

等處竄有賊匪德楞泰現在雲陽已飛咨就近

兼辦令

臣

不拘水陸總以抄襲捷徑馳往寶塔

相機兜截額勒登保現經奏明帶兵赴陝所有

川省賊匪奏交德楞泰魁倫剿辦此後一切情

形卽應報明德楞泰魁倫聽候指示

臣

隨於正

月初六日帶兵趕抵寶塔探得德楞泰追賊已

過陝西西鄉一帶維時

臣

雖在寶塔暫紮卽因

右腿前受鎗傷復發不能騎馬緣前奉額勒登保行知以川楚交界雞心嶺廟垭子白河溪蛇條嶺鐵瓦寺直至寶塔一帶新設卡座令將界嶺總兵德英額所帶兵勇悉心會商移赴雞心嶺各該處添安以期更昭嚴密臣又與將軍阿廸斯往來札商以界嶺近日固屬寧靜然界嶺在川楚交界之南雞心嶺又在川楚交界之北

橫長數百里設南界遇有緊急難以兼顧查有
距界嶺一百餘里之龍泉寺黃羅傘觀音巖夜
叉巖等處尤爲扼要又查有黃草坪亦係緊接
楚界勢須設卡防堵卽於界嶺兵勇二千三百
名內以八百五十名令德英額帶領移駐龍泉
寺以六百名分安觀音巖又以八百五十名飭
令都司馬驥守備薛陞分駐黃草坪並將

臣現

帶兵丁及裁撤大寧小卡共兵勇四百名添安
雞心嶺廟垵子等處以資堵禦甫經佈置完竣
二十六日據駐卡雞心嶺遊擊劉貴朝稟報川
陝楚三省交界之螞蝗壩撒子坪現有餘匪一
二千在彼滋擾臣查前准倭什布知會正月初
四日賊匪糾衆由陝境石店河奔竄入楚聞德
楞泰追剿來抵平利縣屬之毛壩地方相距甚

近已知會派令大員來楚協剿

臣

恐此股餘匪

又復入楚當札商阿迪斯卽於二十七日令總

兵李紹祖將兵勇悉數帶領起程由大寧前赴

螞蝗壩截剿

臣

隨後乘坐兜轎續進二十八日

午刻行過大寧准督

臣

魁倫八百里來咨有賊

一股於十五日晚由定遠縣屬石板沱躍水搶

渡嘉陵江岸該處直達成都重慶俱無險要可

守奏調

臣

帶兵由梁山長壽一路漏夜渡江趕

赴重慶偵探夾擊大寧係界連楚陝酌派將官

一員留兵五百名移交阿廸斯統領防守等語

臣

當留兵五百名並遊擊常祿交阿廸斯

臣

卽

同李紹祖帶領兵丁三千二百餘名鄉勇一千

一百名自大寧起程取道梁山長壽一帶直赴

重慶三十日行抵黑樓門又准倭什布咨請令

臣迅卽帶兵由巴東興山前往協剿臣隨將川

西賊匪較重勢在不能兼顧情形詳細咨覆後

二月初八日行過梁山復准魁倫來咨賊匪現

竄西充鹽亭距重慶甚遠催令尋覓捷徑趕赴

順慶分路進兵以收夾攻之效迅卽取道由大

竹一帶於十五日趕抵順慶惟臣右腿受傷因

鎗子打入骨縫未能取出以致近來發作痛楚

不能著地前已具稟額勒登保知會魁倫今於
途次傷處皮肉漸次潰爛筋骨俱痛愈加沉重
適接魁倫復札令暫在順慶調攝

臣

隨將所帶

兵勇四千三百餘名移交總兵李紹祖統領刻
由西充南部前進與魁倫合兵會剿奏入

上命軍機大臣傳諭松筠曰七十五係四川提督現
當軍務喫緊之際不思奮勇剿捕徒藉養傷爲名

安坐不動且所帶兵勇亦不及早另派將領帶往
剿賊竟不知七十五現在何地所剿何賊帶兵究
有若干前經降旨詢問茲據七十五奏稱上年十
二月內接額勒登保行知令馳往寶塔相機兜截
嗣卽在彼暫紮所謂兜截者並不能指名何股賊
匪而在寶塔駐紮後遷延至今尙得云暫行駐紮
乎且賊匪搶渡嘉陵江擾及川西一帶七十五爲

奉旨提督並不帶兵剿辦惟與阿迪斯商量在界
嶺空間處所設卡防堵以二千數百名有用之兵
置之空虛無用之地一對庸才情形如繪且防堵
又係何賊亦未奏明况沿途乘坐兜轎怡然自得
全不以剿賊爲事及接到魁倫來咨催令帶兵赴
川西剿賊尙不迅速前往現又稱鎗傷復發在於
順慶調理種種玩誤罪狀俱經伊自敘出其咎實

難寬貸七十五著解任交松筠嚴行審訊所有四
川提督著德楞泰署理松筠接奉此旨著卽派員
將七十五提至竹山軍營確切研訊親自驗看如
果傷發屬實則七十五身爲提督大員卽係無事
之時身有傷病尙當據實陳明不應戀棧况值本
省軍興之際賊勢鴟張旣不能躬歷行間尤當早
爲馳奏以免貽誤軍務何以並不預請開缺其咎

亦無可辭但究因傷發與無故逗遛者有間尙可
留其頂戴押令來京免其治罪若所稱傷發潰爛
之處竟屬虛誑則七十五旣延玩於前又復捏飾
於後必當從重懲治以儆戎行松筠卽當傳旨將
伊革職鎖拏按律定擬解交刑部務當據實查驗
具奏不可稍有瞻徇

又節軍機大臣傳諭德楞泰曰本日據魁倫奏德

楞泰於二十四五等日在江油所屬烏龍觀新店
子等處連獲兩次勝仗生擒賊匪甚多覽奏欣慰
之極德楞泰一到川境卽獲勝仗事機極爲順利
但何以未據馳奏現因提督七十五種種延玩已
降旨將伊解任所遺四川提督員缺現在四川總
兵中無人可以陞用而德楞泰正在川省帶兵剿
賊卽著以叅贊大臣副都統暫行兼署提督事務

呼應必靈此時賊匪竄聚川西南阻潼江北阻嘉陵江決勝之計全在此舉今德楞泰以叅贊兼署提督川省漢土官兵皆其所轄所有川境賊匪專交德楞泰一手剿辦務須倍加感奮迅速殲除方爲不負委任